

INUIT ATAQATIGIIT INATSISARTUNI



22.12.2025

Inatsisartut Suleriaasianni § 37 naapertorlugu Naalakkersuisunut apequt imaattoq matumuuna saqqummiuppara.

Naalakkersuisunut apequt:

1. Naalakkersuisut suna pissutigalugu Narsarsuarmi innuttaasut pisariaqartitsisut ornigullutik oqaloqatigalugillu tusarniarumanngilaat?
2. Naalakkersuisut paasisinnaanerpaat Narsarsuarmi innuttaasut Kommune Kujallermi tikinneqareeraluallutik sulii paasissutissanik sulii amigaateqartutut misigisimanertik tunngaviutillugu Naalakkersuisunit tikinneqarnissartik kissaatigimmassuk?
3. Naalakkersuinikkut aalajangiisimaneq naapertorlugu mittafeqarfik Narsarsuaq atorunnaartussaavoq, sunaana pissutigalugu nunaqarfiup allatut ineriartornissaata pilersaarusiornissaa Naalakkersuisunit akisussaaffittut tigujuaneqarani Kommune Kujallermut aningaasarlioreeqisumut miloriunneqaannartoq?
4. Siunissami naalakkersuinikkut aalajagiisoqarnerata kingunerisaanik, nunaqarfiit, illoqarfiit nappataannik peersisoqaraanngat, naatsorsuutigisineqarsinnaava Naalakkersuisut aamma aalajangiinermik kingorna akisussaaffimmik tigummillutik kommunip innuttaasuinullu naapertuuttumik suliniuteqarfigineqarnissaannut tamakkiisumik suleqataasarnissaat?
 - A. Ass. Ineriartorfissanik nutaanik ujaaseqataallutik?
 - B. Innuttaasut pisariaqartitaat naapertorlugit tikillugit suleqatigisarlugillu periarfissaanik paasitittarlugit?

(Inatsisartunut ilaasortaq Mariane Paviassen Jensen, Inuit Ataqatigiit)

Tunngavilersuut:

Tupinnartuliatus oqaatigisariaqarpara suleriaasitsinni paragraf 37- naapertorlugu apeqummi nr: 181/2025- imik normulerneqartumi, Naalakkersuisut Narsarsuup innuttaasuinut tunngatillugu Narsarsuup inoqarfittut nappataata naalakkersuinikkut siusinnerusukkat aalajangiinert aallaaviullutik peerneqalersoq innuttaasut tikillugit oqaloqatiginiarneqannginneri. Siunissami nalunartumi inissisimaneranni toqqissisimassutaasinnaasunik pilersaarutiniq tigussaasunik peqannginneri, tassungalu atatillugu

INUIT ATAQATIGIIT INATSIARTUNI



akisussaaqataallutik innuttaasunik ammasumik peqataatitsisumik suleqataajuammanngitsut isigkkoqarneri. Innuttaasut Kalaallit nunatsini innuttaaqatigut ilaatigut ukiorpassuarni nunatsinnik napatitseqataallutik tunniusimaqqissaarlutik sulisimasut, tunniussaqaarsimaqisut naalakkersuinikkut ingerlatsinermi maanna sumiginnagaasutut isikkoqalerneru akuersaarneqaarsinnaanngilaq, akisussaaffillu kommunimut aningaasarliorluinnartutut ilisimaneqartumut tunniutiinnarneqarpoq.

Piumassuseqaraannimi Narsarsuaq periarfissarpassuaqaraluarpoq, assersuutigalugu ilaqutariit katsorsartarfiattut atorineqaarsinnaavoq, meeqqat angerlarsimaffiup avataannut inissiinnarnagit ilaqutariit avissaartinnagit peqatigiitillugit peqqinnartumik inuusinnaalernissaannut aqqutissiuusisarfittut atorluarneqaarsinnaavoq, imal. ilinniartittut, takornariaqarfissuurtut, datacentereqarfittut, SIKO-Blockiliorfittut arlaatigulluunniit atorfissalerujussuuvuq, tassanili Naalakkersuinikkut periarfissarsiullaqqissuseq innuttaasut peqatigalugit aqqissiuusisinnaasuseq kisimi amigaataalluni.

Kissaatigaara apeqqutikka ullut suliffiit qulit iluanni akineqassasut.